

Na osnovu člana 83. Zakona o srednjoj školi SBK („Sl.novine SBK broj 11/01“), Uredbe o postupku prijema u radni odnos u javnom sektoru u SBK („Sl.novine SBK“ broj 7/19), Odluke Upravnog odbora broj: 841-3/22 od 28.09.2022. godine, Odluke Upravnog odbora broj: 919-1/22 od 21.10.2022. godine, Odluke Vlade SBK br: 01-11.7-8074/2022 od 20.10.2022. godine, Odluke Vlade SBK broj:01-11.7-8377/2022 od 03.11.2022. godine, Saglasnosti za prijem Ministarstva obrazovanja, nauke, mladih, kulture i sporta SBK/KSB broj: 03-30-1/2022-334 i 03-30-1/2022-349 od 21.10.2022. godine, te Saglasnosti za prijem Ministarstva obrazovanja, nauke, mladih, kulture i sporta SBK/KSB broj:03-30-1/2022-377, direktorica Mješovite srednje ekonomsko-ugostiteljske škole Travnik, raspisuje

JAVNI OGLAS ZA PRIJEM U RADNI ODNOS

- 1. Pedagog škole – puno radno vrijeme do povratka radnika sa funkcije a najkasnije do 30.06.2023. godine**
- 2. Profesor turskog jezika i književnosti - 10 časova na neodređeno vrijeme**
- 3. Profesor informatike – 4 časa na određeno vrijeme do 30.06.2023. godine**
- 4. Profesor geografije – 8 časova na određeno vrijeme do povratka uposlenice sa porodiljskog bolovanja a najkasnije do 30.06.2023. godine**
- 5. Profesor kozmetologije – 2 časa na određeno vrijeme do 30.06.2023. godine**
- 6. Profesor tehnologije zanimanja – 4 časa na određeno vrijeme do 30.06.2023. godine**
- 7. Profesor tehnologije materijala - 2 časa na određeno vrijeme do 30.06.2023. godine**
- 8. Profesor poznavanja robe – 2 časa na određeno vrijeme do 30.06.2023. godine**
- 9. Predavač praktične nastave za kozmetičkog tehničara, 5 časova na određeno vrijeme do 30.06.2023. godine**
- 10. Predavač praktične nastave za frizere – 18 časova do povratka radnika sa suspenzije a najkasnije do 30.06.2023. godine**
- 11. Radnik na održavanju čistoće – spremačica puno radno vrijeme, na određeno vrijeme a najkasnije do 30.06.2023. godine**
- 12. Radnik na održavanju čistoće – spremačica na pola radnog vremena (4h), na određeno vrijeme a najkasnije do 30.06.2023. godine**

Profil i stručna sprema: Za sve pozicije kandidati trebaju da ispunjavaju uslove propisane Zakonom o srednjoj školi SBK, Pedagoškim standardima za srednje škole („Sl.novine SBK, broj:15/02“) i odobrenim Nastavnim planom i programom. Pored općih uslova svi kandidati moraju ispunjavati i posebne uslove za navedena radna mjesta. Za radna mjesta pod rednim brojevima od 1-8 završen odgovarajući fakultet VII stepen visoke stručne spreme, I ciklus bolonjskog sistema studiranja sa 240ECTS bodova ili II ciklus bolonjskog sistema studiranja sa 300ECTS. Za poziciju pod rednim brojem 9. kandidati trebaju da imaju završen VII stepen stručne spreme ili najmanje 180ETCS bodova odgovarajućeg smjera ili VKV kozmetičar V stepen. Za radno mjesto pod rednim brojem 10. kandidati trebaju imati završen V stepen stručne spreme (

VKV). Za pozicije pod rednim brojevima 11. i 12. kandidati trebaju da imaju završenu osnovnu školu.

Mjesto obavljanja rada je u sjedištu poslodavca na adresi Školska br.11, Travnik, a radno vrijeme je u skladu sa utvrđenim rasporedom. Vrijeme rada se po potrebi organizuje u dvije smjene i to na poslovima iz djelokruga koji su propisani Pravilnikom o unutrašnjoj organizaciji i sistematizaciji radnih mjesta Mješovite srednje ekonomsko-ugostiteljske škole Travnik.

Opis poslova:

Radno mjesto pod rednim brojem 1: poslovi planiranja i programiranja, praćenje i analiziranje odgojno-obrazovnog rada, rad na uvođenju savremenih metoda i oblika rada, rad sa učenicima, profesionalna orijentacija, saradnja s nastavnicima, rad u stručnim organima, saradnja sa roditeljima, istraživački rad, rad na pedagoško-psihološkoj dokumentaciji, pripremanje za radi i stručno usavršavanje.

Radna mjesta od rednog broja 2-10 (nastavnici): redovna nastava, individualno stručno usavršavanje, rad sa pripravnikom (mentorski rad), završni ispiti-mature, rad u stručnim tijelima, saradnja s roditeljima, pedagogom, psihologom, bibliotekarom, rad u okviru kulturne i društvene aktivnosti, rad na pedagoškoj dokumentaciji, stručne ekskurzije-izleti, ostali poslovi, uvođenje inovacija, savremenih oblika I metoda.

Radne obaveze i zadaci za pozicije od 1-10 su definisani 40-časovnim radnim sedmicama koje su u skladu sa Pedagoškim standardima SBK (“ Službene novine SBK” broj 15/02).

Radna mjesta pod rednim brojevima 11. i 12.: održavanje čistoće na hodnicima, učionicama, kabinetima, laboratorijama, radionicama, fiskulturnoj sali i ostalim prostorijama unutar škole, održavanje čistoće u školskom dvorištu, odgovaraju za inventar i drugu opremu kojom rukuju ili se nalazi u prostorijama za koje su zaduženi za održavanje, prijavljuju sve kvarove i oštećenja na instalacijama, inventaru i drugoj opremi, dežurstvo, drugi poslovi po nalogu direktora a u skladu sa Pravilnikom o unutrašnjoj organizaciji i sistematizaciji radnih mjesta Mješovite srednje ekonomsko-ugostiteljske škole Travnik.

Kandidati trebaju dostaviti:

- Prijavu na javni oglas (adresa stanovanja, kontakt telefon i obavezno e-mail adresa, redni broj i naziv radnog mjesta za koje se prijavljuje, spisak dokaza koje prilaže i svojeručni potpis)
- biografiju (potpisanu)
- diplomu o završenom odgovarajućem stepenu obrazovanja
- dodatak diplomi (ukoliko kandidat posjeduje)
- izvod iz matične knjige rođenih,
- uvjerenje o državljanstvu
- uvjerenje o položenoj pedagoškoj grupi predmeta (ukoliko kandidat posjeduje)
- uvjerenje o položenom stručnom ispitu (ukoliko kandidat posjeduje)
- uvjerenje o podacima registrovanim u matičnoj evidenciji Federalnog zavoda za PIO/MIO
- kandidati koji se u prijavi pozivaju na pravo prioriteta u zapošljavanju prema posebnom Zakonu po kojem imaju prednost trebaju priložiti dokumentaciju kojom to dokazuju:
- potvrdu od zakonom nadležne institucije da kandidat ostvaruje prednost po posebnom Zakonu
- uvjerenje o prebivalištu
- potvrdu sa Zavoda za zapošljavanje SBK iz vremena trajanja Javnog oglasa)
- kandidati koji su proglašeni tehnološkim viškom ili imaju smanjenu normu u školama SBK, uz prijavu na oglas pored navedene dokumentacije dostavljaju i ovjerene kopije/original rješenja

o tehnološkom višku ili potvrde o nepotpunoj normi sa brojem sati koji nedostaje do pune norme, ovjerenu bodovnu listu iz škole (ukoliko je kandidat proglašen tehnološkim viškom ili ostaje bez dijela nastavne norme)

Kandidati mogu dostaviti i dokaze o dosadašnjem radnom iskustvu, preporuke, certifikate i druge dokumente koji će dati potpuniju sliku stručnih kompetencija.

Svi navedeni dokumenti moraju biti originalni ili ovjerene kopije ne starije od 6 mjeseci (osim izvoda iz matične knjige rođenih koji je trajne vrijednosti te uvjerenja o prebivalištu i potvrde sa Zavoda za zapošljavanja koje moraju biti iz vremena trajanja Javnog oglasa).

Proces izbora kandidata zasniva se na razmatranju dostavljene dokumentacije te održavanju pismenog ispita i intervju sa svakim kandidatom.

Na spisku kandidata među kojima se provodi izborni postupak neće biti kandidati koji ne ispunjavaju formalne uslove Javnog oglasa i čija dokumentacija je nepotpuna i neblagovremena, o čemu će biti obaviješteni putem e-maila te alternativno putem preporučene pošiljke.

Testiranje kandidata koji ispunjavaju uslove – pismeno testiranje iz oblasti: zakonski okvir djelovanja srednje škole; izvori verifikacije kvaliteta (pedagoška evidencija i dokumentacija) i pedagoško- didaktičko-metodički aspekti odgojno-obrazovnog rada (za nastavnike i pedagoge) te opće znanje, obaviti će se u prostorijama škole u Travniku 23.11.2022. godine u 10 sati.

Za pozicije pod rednim brojevima 11. i 12. održati će se samo usmeno testiranje 23.11.2022. godine u 11 sati i obuhvataće sljedeće kriterije: a) opće osobine, b) fleksibilnost, c) motiviranost, d) znanje o poslu, e) relevantno radno iskustvo, f) vještina komuniciranja, g) potencijal za usavršavanje, h) dodatna znanja vezana za konkretno radno mjesto (zakonski i podzakonski akti kojima se reguliše rad u školi).

Ukoliko dođe do promjene mjesta i vremena testiranja, kandidati će o tome biti obaviješteni na zvaničnoj stranici škole i alternativno na priloženu mail adresu ili usmeno, najmanje 3 (tri) dana prije održavanja ispita.

Kandidati koji ne pristupe pismenom ispitu u zakazano vrijeme, smatrat će se da su odustali od prijave na Javni oglas.

Izbor kandidata vršit će se na osnovu Uredbe o postupku prijema u radni odnos u javnom sektoru u SBK („Sl.novine SBK“ broj 7/19) te Pravilnika o prijemu radnika u JU Mješovitoj srednjoj ekonomsko-ugostiteljskoj školi Travnik.

Kandidati koji budu izabrani, dužni su tri (3) dana prije stupanja u radni odnos dostaviti ljekarsko uvjerenje nadležne zdravstvene ustanove o psihofizičkoj i radnoj sposobnosti, te nalaz pretrage na zarazne bolesti i ovisnosti, kao i uvjerenje o nekažnjavanju (ne starije od šest mjeseci) i uvjerenje da se ne vodi krivični postupak (ne starije od tri mjeseca).

Kandidatima koji učestvuju u proceduri Javnog oglasa se ne vraća dokumentacija ali je mogu lično preuzeti u roku od 30 dana od dana isteka roka za žalbu uz obavezno ostavljanje kopije dokumentacije u Školi.

Javni oglas ostaje otvoren 8 (osam) dana od dana objavljivanja.

Prijave slati u zatvorenoj koverti poštom preporučeno ili dostaviti lično na navedenu adresu Škole:

**MJEŠOVITA SREDNJA EKONOMSKO-UGOSTITELJSKA ŠKOLA
TRAVNIK, Školska 11, 72270 Travnik**

Sa naznakom: „NE OTVARAJ - PRIJAVA NA JAVNI OGLAS“ te uz navođenje rednog broja i naziva pozicije na koju se kandidat prijavljuje.

Nepotpune i neblagovremene prijave kao i one koje ne ispunjavaju formalne uslove Javnog oglasa neće se uzeti u razmatranje.

Sve dodatne informacija mogu se dobiti na email: mseus@bih.net.ba ili na broj 030/541-621 (sekretar škole).

Datum: 10.11 .2022.godine

Broj: 976/22

DIREKTORICA ŠKOLE
Mehridžana Alibašić